

Ess gibt halt immer was ze krätsche

Om letzde Sunndaach sinn merr vorm Friehschoppe unne om Moo noch e bisje uff unn ab gonge, hawwe geschwätzt unn hawwe de Rawe zugeguckt, wie die aus dene Müll-oomer newer de Sitzbänk die Plastikdutte mett Brotreste rausgezooche hawwe. Grad wie merr onn de städtische Schiffssteech kumme sinn, sacht de Schorsch: Guck emol, dess Doorsche iss joo uff, dess iss awwer gefährlich!

Unn tatsächlich: Dess Doorsche vom Laufsteech hott gonz weit uffgestonne. Bei dem weniche Wasser geht de Steech joo zimlich steil ennuner. Stell derr vor, sacht de Karl, wär jetz e Kind kumme mettem Rädche unn wär nor e bisje uff de Steech druff gefahrn, wärs direkt enunner ins Wasser gesaust.

Mir hawwe de Kopp geschittelt unn hawwe uns die Sach gleich emol oogeguckt. Dess Doorsche konnsde zumache unn verriechele, doo brauchdsde nor so en Bolze mettem Hewel in de Doorposte enoischiewe. Wennde dann de Hewel erunnermachst, konnsde e Vorhängschloss dorch e Blech stecke unn schunn geht de Hewel nimmi hochz mache unn nimmi erauszehie, dess Door iss verschlosse. Awwer wenn koo Schloss droo iss, kann jeder de Riechel unn doodemett dess Door uffmache. Unn ess iss joo leichter e Door uffalses noochher widder zuzemache. Wenn dann awwer emol e Kind ins Wasser fällt, iss dess Geschrei nit nor von dem Kind unn soine Eltern groß.

De Karls hott gesacht: Doo geheert uff jeden Fall e Schloss droo. Nor – wie iss dess mett de Schiffe die ooleeche wolle, was sollen die dann mache?

Doo moont de Schorsch: Merr kennt joo e Schloss droomache unn jedem, der den Steech benutze dut, en Schlüssel gewwe. Ess sinn doch immer die selwe Schiffe, die doo ooleeche, dess misst doch ze mache soi.

Unn ich sach: Odder so e Schloss mett Zahle. Dess hätt de Vorteil, dass so en Schiffsführer sich aach emol telefonisch bei de Stadt nooch de Kombination erkundiche kennt, doo muss nit gleich ooner extra mettem Schlüssel kumme.

Egal, sacht de Karl, e Schloss muss doo droo. Wenn ersdemol was bassiert iss, werd sowieso oons droo gemacht.

Als merr grad so schee geschwätzt hawwe, kam so e groß Hotelschiff vorbei, e schee Schiff, unn ich habb hinnerher geguckt. Dess war schunn e Stick weit fort, doo habb ich enn Satz gemacht, weil ich so erschrocke bin: Wenn de städtische Steg eruff unn errunner macht in de Welle, doo duts Schläch vorne on Lond bei de Ufflaach, dassde moonst, doo det ooner mettem Hommer uff de Beton schlaache.

Die Sach hawwe merr uns aach oogeguckt. Doo geheert e Gummiplatt drunner, sacht de Schorsch. Unn dann hebter vorne dess Schwingblech hoch unn guckt drunner: Doo iss noch e kloo Stick Gummi, awwer dess iss erausgerutscht, dess duts nit mehr. Moont de Karl: Wenn ich hier wohne det unn e Schiff kimmt nachts vorbei, ich det wach werrn von so em Krach. Ich hätt schunn längs bei de Stadt oogerufe.

Ich habb nor genickt: No ja, merr kennt joo aach emol ebbes in de Flerscher Zeidung schreiwe. Awwer jetz hawwe merr genuch gekrätscht, auf, gehn merr ooner drinke!

Eiern Honnes